




PL
2693
H8
1733
v.2







成裕堂繪像第六才子書卷之二

聖歎外書

讀第六才子書西廂記法

一有人來說西廂記是淫書此人後日定墮拔舌地獄何也西廂記不同小可乃是天地妙文自從有此天地他中間便定然有此妙文不是何人做得出來是他天地直會自己劈空

結撰而出。若定要說是一個人做出來。聖歎便說此一個人。卽是天地現身。

二西廂記斷斷不是淫書。斷斷是妙文。今後若有人說是妙文。有人說是淫書。聖歎都不與做理會。文者見之謂之文。淫者見之謂之淫耳。

三人說西廂記是淫書。他止爲中間

有此一事耳。細思此一事。何日無之。
何地無之。不成天地中間有此一事。
便廢却天地耶。細思此身自何而來。
便廢却此身耶。一部書有如許纒纒。
洋洋無數文字。便須看其如許纒纒。
洋洋是何文字。從何處來到何處去。
如何直行。如何打曲。如何放開。如何
捏聚。何處公行。何處偷過。何處慢搖。

何處飛渡。至於此一事。直須高閣起。不復道。

四。若說西廂記是淫書。此人只須朴。不必教何也。他也只是從幼學。一冬烘先生之言。一入於耳。便牢在心。他其實不曾眼見西廂記。朴之還是冤苦。

五。若眼見西廂記了。又說是淫書。此

人則應朴乎曰。朴之亦是冤苦。此便是冬烘先生耳。當初造西廂記時。原發願不肯與他讀。他今日果然不讀。六若說西廂記是淫書。此人有大功德。何也。當初造西廂記時。發願只與後世錦繡才子共讀。曾不許販夫皂隸也來讀。今若不是此人揎拳捋臂。拍機拍床罵是淫書時。其勢必至無

人不讀漢書。天地妙秘。聖歎大不歡。

喜

七世說新語云。莊子逍遙遊一篇。舊是難處。開春無事。不自揣度。私與陳子瑞躬。風雨聯床。香爐酒杯。縱心縱意。處得一上。自今以後。普天下錦繡才子。同聲相應。領異拔新。我二人便做支公許史去也。

不見。必無獨不見西廂記之事。今若不急將聖歎此本與讀。便是真被他偷看了西廂記也。他若得讀聖歎西廂記。他分明讀了莊子史記。

十一子弟欲看西廂記。須教其先看國風。蓋西廂記所寫事。便全是國風所寫事。然西廂記寫事。會無一筆不雅馴。便全學國風寫事。會無一筆不

雅馴。西廂記寫事。曾無一筆不透脫。
便全學國風寫事。曾無一筆不透脫。
敢療子弟。筆下雅馴不透脫。透脫不
雅馴之病。

十二沉潛子弟。文必雅馴。苦不透脫。
高明子弟。文必透脫。苦不雅馴。極似
分道揚鑣。然實同病。別發。何謂同病。
只是不換筆。蓋不換筆。便道其不透

八聖歎西廂記。祇貴眼照古人。不敢
多讓。至於前後著語。悉是口授小史。
任其自寫。並不更曾點竄一遍。所以
文字多有不當意處。蓋一來。雖是聖
歎。天性貪懶。二來。實是西廂本文。珠
玉在土。便教聖歎點竄。終復成何
用。普天下後世。幸恕僕不當意處。看
僕眼照古人處。

錄六十二言讀法

三

九聖歎本有才子書六部。西廂記乃是其一。然其實六部書。聖歎只是用一副手眼讀得。如讀西廂記。實是用讀莊子史記手眼讀得。便讀莊子史記亦只用讀西廂記手眼讀得。如信僕此語時。便可將西廂記與子弟作莊子史記讀。

十子弟至十四五歲。如日在東。何書

脫不換筆便道其不雅馴也何謂別
發。一是停而不換筆。一是走而不換
筆。蓋停而不換筆。便有似於雅馴而
實非雅馴。走而不換筆。便有似於透
脫而實非透脫也。夫真雅馴者。必定
透脫。真透脫者。必定雅馴。問誰則能
之。曰西廂記能之。夫西廂記之所以
能之。只是換筆也。

十三子弟讀得此本西廂記後。必能
自放異樣手眼。另去讀出別部奇書。
遙計一二百年之後。天地間書無有
一本不似十日並出。此時則彼一切
不必讀。不足讀。不耐讀。等書。亦既廢
盡矣。真一大快事也。然實是此本西
廂記爲始。

十四僕昔因兒子及甥姪輩要他做

得好文字。曾將左傳國策莊騷公穀
史漢韓柳三蘇等書。雜撰一百餘篇。
依張侗初先生必讀古文舊名。只加
才子二字。名曰才子。女讀書。蓋致望
讀之者之必爲才子也。久欲刻布。請
正。苦因喪亂。家貧無貲。至今未就。今
旣呈得西廂記。便亦不復更念之矣。
十五文章最妙。是目注彼處。手寫此。

處。若有時必欲目注此處。則必手寫
彼處一部。左傳都用此法。若不解其
意。而目亦注此處。手亦寫此處。便一
覽已盡。西廂記最是解此意。

十六文章最妙。是目注此處。却不便
寫。却去遠遠處發來。迤邐寫到將至
時。便且住。却重去遠遠處更端再發
來。再迤邐又寫到將至時。便又且住。

如是更端數番。皆去遠遠處發來。迤
遲寫到將至時。即便住。更不復寫出。
目所注處。使人自於文外瞥然親見。
西廂記純是此一方法。左傳史記亦
純是此一方法。最恨是左傳史記急
不得呈教。

十七文章最妙是先覷定阿堵一處。
已却於阿堵一處之四面。將筆來左

盤右旋。右盤左旋。再不放脫。却不擒住。分明如獅子滾毬相似。本只是一個毬。却教獅子放出通身解數。一時滿棚人看獅子眼。都看花了。獅子却是並沒交涉。人眼自射獅子。獅子眼自射毬。蓋滾者是獅子。而獅子之所。以如此滾。如彼滾。實都爲毬也。左傳史記。便純是此一方法。西廂記亦純。

是此一方法。

十八文章最妙。是此一刻。被靈眼觀見。便於此一刻。放靈手捉住。蓋於略前一刻。亦不見。略後一刻。便亦不見。恰恰不知何故。却於此一刻。忽然觀見。若不捉住。便更尋不出。今西廂記若干文字。皆是作者於不知何一刻。中靈眼忽然觀見。便疾捉住。因而直

傳到如今細思萬千年以來知他有
何限妙文已被覷見却不曾捉得住
遂總付之泥牛入海永無消息

十九今後任憑是絕代才子切不可
云此本西廂記我亦做得出也便教
當初作者而在要他燒了此本重做
一本已是不可復得縱使當時作者
他却是天人偏又會做得一本出來

然既是別一刻所覷見。便用別樣捉住。便是別樣文心。別樣手法。便別是一本不復是此本也。

二十。僕今言靈眼覷見。靈手捉住。却思人家子弟。何曾不覷見。只是不捉住。蓋覷見是天付。捉住須人工也。今西廂記。實是又會覷見。又會捉住。然子弟讀時。不必又學其覷見一味只

學其捉住聖歎深恨前此萬千年無限妙文已是覷見却捉不住遂成泥牛入海永無消息今刻此西廂記遍行天下大家一齊學得捉住僕實遙計一二百年後世間必得平添無限妙文真乃一大快事

二十一僕嘗粥時欲作一文偶以他緣不得便作至於飯後方補作之僕

便可惜粥時之一篇也。此譬如擲骰相似。略早略遲。略輕略重。略東略西。便不是此六色。而愚夫尚欲爭之。真是可發一笑。

二十二僕之爲此言何也。僕嘗思萬萬年來。天無日無雲。然決無今日雲與某日雲會同之事。何也。雲只是山川所出之氣。升到空中。却遭微風蕩

作縷縷。既是風無成心。便是雲無定
規。都是互不相知。便乃偶爾如此。西
廂記正然。並無成心之與定規。無非
佳日閒窓。妙腕良筆。忽然無端。如風
蕩雲。若使異時更作。亦不妨另自有
其絕妙。然而無奈此番已是絕妙也。
不必云異時不能更妙於此。然亦不
必云異時尚將更妙於此也。

二十三僕幼年最恨鴛鴦繡出從君
看不把金針度與君之二句謂此必
是貧漢自稱王夷甫口不道阿堵物
計耳若果知得金針何妨與我略度
今日見西廂記鴛鴦既繡出金針亦
盡度益信作彼語者真是脫空謾語
漢

二十四僕幼年曾聞人說一笑話云

卷之二十二 寶鏡法

昔一人苦貧。詩甚。而生平虔奉呂祖。感其至心。忽降其家。見其赤貧不勝。憫之。念當有以濟之。因伸一指。指其庭中磐石。燦然化爲黃金。曰。汝欲之乎。其人再拜曰。不欲也。呂祖大喜。謂子誠如此。便可授子大道。其人曰。不然。我心欲汝此指頭耳。僕當時私謂此固戲論耳。若真是呂祖。必當便以

指頭與之。今此西廂記便是呂祖指頭得之者。處處遍指有作黃金。

二十五僕思文字不在題前。必在題後。若題之正位決定無有文字。不信。但看西廂記之一十六章。每章只用一句兩句寫題正位。其餘便都是前後搖之曳之可見。

二十六知文在題之前。便須恣意搖。

之曳之。不得便到題。知文在題之後。便索性將題拽過了。却重與之搖之。曳之。若不解此法。而誤向正位多寫作一行。或兩行。便如畫死人坐像。無非印板衣摺。縱復費盡綰染。我見之早向新宅中哭鍾太傅矣。二十七橫直波點聚。謂之字。字相連。謂之句句相雜。謂之章。見子五六歲。

了。必須教其識字。識得字了。必須教其連字爲句。連得五六七字爲句了。必須教其布句爲章。布句爲章者。先教其布五六七句爲一章。次教其布十來多句爲一章。布得十來多句爲一章時。又反教其只布四句爲一章。三句爲一章。二句乃至一句爲一章。直到解得布一句爲一章時。然後與

他西廂記讀

二十八子弟讀西廂記後忽解得三個字亦能爲一章二個字亦能爲一章一個字亦能爲一章無字亦能爲一章子弟忽解得無字亦能爲一章時渠回思初布之十來多句爲一章真成撒吞耳

二十九子弟解得無字亦能爲一章

因而回思初布之十來多句爲一章盡成撒吞。則其體氣便自然異。樣高妙其方法便自然異。樣變換其氣色便自然異。樣姿媚其避忌便自然異。樣滑脫。西廂記之點化子弟不小。三十若是字便只是字。若是句便不是字。若是章便不是句。何但不是字。一部西廂記真乃並無一字豈但並

第六才子書

讀法

無一字真乃並無一句一部西廂記
只是一章

三十一若是章便應有若干句若是
句便應有若干字今西廂記不是一
章只是一句故並無若干句乃至不
是一句只是一字故並無若干字西
廂記其實只是一字

三十二西廂記是何一字西廂記是

一無字趙州和尚人問狗子還有佛性也無曰無是此一無字

三十三人問趙州和尚一切含靈具有佛性何得狗子却無趙州曰無西廂記是此一無字

三十四人若問趙州和尚露柱還有佛性也無趙州曰無西廂記是此一無字

三十五若又問釋迦牟尼還有佛性也無趙州曰無西廂記是此一無字三十六人若又問無字還有佛性也無趙州曰無西廂記是此一無字三十七人若又問無字還有無字也無趙州曰無西廂記是此一無字三十八人若又問某甲不會趙州曰你是不會老僧是無西廂記是此一

無字。

三十九何故西廂記是此一無字。此

一無字是一部西廂記故。

四十最苦是人家子弟未取筆胸中
先已有了文字。若未取筆胸中先已
有了文字。必是不會做文字人。西廂
記無有此事。

四十一最苦是人家子弟提了筆。胸

身之寸書讀法

中尚自無有文字若提了筆胸中尚
自無有文字必是不會做文字人西
廂記無有此事

四十二趙州和尚人不問狗子還有
佛性也無他不知道有個無字

四十三趙州和尚人問過狗子還有
佛性也無他也不記道有個無字

四十四西廂記正寫驚艷一篇時他

不知道借廂一篇應如何正寫借廂
一篇時他不知道酬韻一篇應如何
總是寫前一篇時他不知道後一篇
應如何用煞二十分心思二十分氣
力他只顧寫前一篇

四十五西廂記寫到借廂一篇時他
不記道驚艷一篇是如何寫到酬韻
一篇時他不記道借廂一篇是如何

總是寫到後一篇時他不記道前一篇是如何用煞二十分心思二十分氣力他又只顧寫後一篇

四十六聖歎舉趙州無字說西廂記此真是西廂記之真才實學不是禪語不是有無之無字須知趙州和尚無字先不是禪語先不是有無之無字真是趙州和尚之真才實學

四十七西廂記止寫得三個人。一個是雙文。一個是張生。一個是紅娘。其餘如夫人如法本如白馬將軍如歡郎如法聰如孫飛虎如琴童如店小二他俱不曾着一筆半筆寫。俱是寫三個人時所忽然應用之家伙耳。四十八譬如文字則雙文是題目張生是文字紅娘是文字之起承轉合。

有此許多起承轉合便令題目透出
文字文字透入題目也其餘如夫人
等算只是文字中間所用之乎者也
等字

四十九譬如藥則張生是病雙文是
藥紅娘是藥之炮製有此許多炮製
便令藥往就病病來就藥也其餘如
夫人等算只是炮製時所用之姜醋

酒蜜等物

五十若更仔細算時西廂記亦止爲
寫得一個人一個人者雙文是也若
使心頭無有雙文爲何筆下却有西
廂記西廂記不止爲寫雙文止爲寫
誰然則西廂記寫了雙文還要寫誰
五十一西廂記止爲要寫此一個人
便不得不又寫一個人一個人者紅

娘是也。若使不寫紅娘，却如何寫雙文？然則西廂記寫紅娘，當知正是出力寫雙文。

五十二。西廂記所以寫此一個人者，爲有一個人要寫此一個人也。有一個人者，張生是也。若使張生不要寫雙文，又何故寫雙文？然則西廂記又有時寫張生者，當知正是寫其所以。

要寫雙文之故也。

五十三誠悟西廂記寫紅娘止爲寫
雙文。寫張生亦止爲寫雙文。便應悟
西廂記決無暇寫他夫人法本杜將
軍等人。

五十四誠悟西廂記止是爲寫雙文。
便應悟西廂記決是不許寫到鄭恒。
五十五西廂記寫張生便真是相府。

子弟便真是孔門子弟。異樣高才。又異樣苦學。異樣豪邁。又異樣淳厚。相其通體。自內至外。並無半點輕狂。一毫奸詐。年雖二十有餘。却從不知裙帶之下。有何緣故。雖自說顛。不刺的見過萬千。他亦只是曾不動心。寫張生直寫到此田地時。須悟全不是寫張生。須悟全是寫雙文錦繡才子。必

知其故

五十六。西廂記寫紅娘。凡三用加意之筆。其一。於借廂篇中。峻拒張生。其二。於琴心篇中。過尊雙文。其三。於拷艷篇中。切責夫人。一時便似周公制度。乃盡在紅娘一片心地中。凜凜然侃侃然。曾不可得而少假借者。寫紅娘直寫到此田地時。須悟全不是寫

紅娘須悟全是寫雙文錦繡才子必知其故。

五十七西廂記亦是偶爾寫他佳人才子。我會細相其眼法手法筆法墨法。固不單會寫佳人才子也。任憑換却題教他寫他俱會寫。

五十八若教他寫諸葛公白帝受托五丈出師他便寫出普天下萬萬世。

無數孤忠老臣滿肚皮眼淚來我何
以知之。我讀西廂記知之。

五十九。若教他寫王昭君慷慨請行。
琵琶出塞。他便寫出普天下萬萬世
無數高才被屈人滿肚皮眼淚來。我
讀西廂記知之。

六十。若教他寫伯牙入海。成連徑去。
他便寫出普天下萬萬世無數苦心。

力學人滿肚皮眼淚來。我讀西廂記
知之。

六十一、西廂記。必須掃地讀之。掃地
讀之者。不得存一點塵於胸中也。

六十二、西廂記。必須焚香讀之。焚香
讀之者。致其恭敬。以期鬼神之通之
也。

六十三、西廂記。必須對雪讀之。對雪

讀之者。資其潔清也。

六十四西廂記。必須對花讀之。對花讀之者。助其好麗也。

六十五西廂記。必須盡一日一夜之力。一氣讀之。一氣讀之者。總攬其起盡也。

六十六西廂記。必須展半月一月之功。精切讀之。精切讀之者。細尋其虛。

寸也

六十七西廂記。必須與美人並坐讀之。與美人並坐讀之者。驗其纏綿多情也。

六十八西廂記。必須與道人對坐讀之。與道人對坐讀之者。歎其解脫無方也。

六十九西廂記。前半是張生文字。後

半是雙文文字。中間是紅娘文字。

七十西廂記。是西廂記文字。不是會

真記文字。

七十一聖歎批西廂記。是聖歎文字。

不是西廂記文字。

七十二天下萬世錦繡才子讀聖歎

所批西廂記。是天下萬世才子文字。

不是聖歎文字。

七十三西廂記不是姓王字實父。此
一人所造。但自平心歛氣讀之。便是
我適來自造。親見其一字一句都是
我心裏恰正欲如此寫。西廂記便如
此寫。

七十四想來姓王字實父。此一人亦
安能造西廂記。他亦只是平心歛氣
向天下人心裏偷取出來。

七十五、總之世間妙文。原是天下萬
世人人心中裏公共之寶。決不是此一
人自己文集。

七十六、若世間又有不妙之文。此則
非天下萬世人人心中裏之所曾有也。
便可聽其爲一人自己文集也。

七十七、西廂記。便可名之曰西廂記。
舊時見人名之曰北西廂記。此大過

第六十一
也。

七十八讀西廂記便可告人曰讀西廂記。舊時見人諱之曰看閒書此大過也。

七十九西廂記乃是如此神理。舊時見人教諸忤奴於紅氍毹上扮演之。此大過也。

八十讀西廂記畢。不取大曰酬地賞。

作者此乃過也

八十一讀西廂記畢不取大白自賞
此大過也

成裕堂繪像第六才子書卷之二終

第六才子書

卷二

毛

第六十二卷

卷之六十二

三

懷永堂繪像第六才子書卷之三

聖歎外書

會真記 唐元稹

唐貞元中有張生者性溫茂美丰容內秉
堅孤非禮不可入或朋從遊宴擾雜其間
他人皆洵洵拳拳若將不及張生容順而
已終不能亂以是年二十二未嘗近女色
知者詰之謝而言曰登徒子非好色者是

有淫行耳。余真好色者，而適不我值。何以言之？太凡物之尤者，未嘗不留連於心，是知其非忘情者也。詰者晒之，無幾何，張生遊於蒲蒲之東十餘里，有僧舍曰普救寺。張生寓焉。適有崔氏婦，將歸長安，路出於蒲，亦比茲寺。崔氏婦，鄭女也。張出於鄭，緒其親，乃異派之從母。是歲，渾瑊薨於蒲，有中人人丁文雅，不善於軍，軍人因喪而擾。

大掠，薄人崔氏之家，則產其子，名之曰張。張
寓惶駭，不知所託。先是，張與諸將之當要
善，請吏護之，遂不及於難。十餘日，廉使杜
確將天子命，以統戎節，令於軍。軍繇是戢，
鄭厚張之德，甚因飭饌以命張。中堂宴之，
復謂張曰：「姨之孤，廢未亡，提攜幼稚，不幸
屬師，徒大瀆實，不保其身。弱子幼女，猶君
之生也，豈可止常恩哉？」今俾以仁兄禮奉

見其所以報恩也。命其子曰歡郎，可十餘歲，容甚溫美。次命女鶯鶯出拜。爾兄、爾兄活爾久之，辭疾。鄭怒曰：「張兄，活爾之命，不然而且虐矣，能復遠嫌乎？」久之，乃至常服。醉容不加新飾，鬢垂黛，接雙臉，斷紅而已。顏色艷異，光輝動人。張驚爲之禮，因坐鄭旁，以鄭之抑而見也。凝睇怨絕，若不勝其體者。問其年紀，鄭曰：「今天子甲子歲之七。」

月於貞元庚辰生十七年矣張生稍以辭
導之不對終席而罷張自是惑之願攻其
情無繇得也崔之婢曰紅娘生私爲之禮
者數四乘間遂道其衷婢果驚沮潰然而
奔張生悔之翼日婢復至張生乃羞而謝
之不復云所求矣婢因謂張曰郎之言所
不敢言亦不敢泄然而崔之族姻君所詳
也何不因其德而求娶焉張曰子始自孩

提性不苟合或時統綺開居曾莫留盼不
謂當年終有所蔽昨日一席間幾不自持
數日來行忘止食忘飽恐不能逾旦暮若
因媒氏而娶納采問名則三數月間索我
於枯魚之肆矣爾其謂我何婢曰崔之貞
順自保雖所尊不可以非語犯之下人之
謀固難入矣然而善屬文往往沈吟章句
怨慕者久之君試爲喻情詩以亂之不然

則無備也。張大喜，立綴春詞二首以授之。
是夕，紅娘復至，持采箋以授張曰：崔所命
也。題其篇曰：明月三五夜。其詞曰：待月西
廂下，迎風戶半開。拂牆花影動，疑是玉人
來。張亦微喻其旨。是夕，歲二月旬有四日
矣。崔之東牆有杏花一樹，攀援可踰。既望
之夕，張因拂其樹而踰，焉達於西廂。則戶
半開矣。紅娘寢於牀，生因驚之。紅娘駭曰：

郎何以至。張因給之曰：崔氏之箋召我矣。爾爲我告之。無幾，紅娘復來，連曰：至矣。至矣。生且喜且駭，謂必獲濟。及崔至，則端服儼容，大數張曰：兄之恩，活我之家，厚矣。是以慈母以弱子幼女見託，奈何固不令之婢，致淫佚之詞，始以護人之亂爲義，而終以亂易亂，其去幾何哉！故其詞則保人之妾，不義明之於母，則

背人之惠不祥。將寄於婢妾。又懼不得發。其真誠是用託短章。願自陳啟。猶懼兄之見難。是用鄙靡之詞。以求其必至。非禮之動。能不愧心。特願以禮自持。毋及於亂言。畢翻然而逝。張自失者久之。復踰而出。於是絕望數夕。張君臨軒獨寢。忽有人覺之。驚歛而起。則紅娘斂衾攜枕而至。撫張曰。至矣。至矣。睡何爲哉。設衾枕而去。張生拭

目危坐久之。猶疑夢寐。然修謹以俟。俄而紅娘捧崔氏而至。至則嬌羞融冶。力不能運肢體。曩時端莊不復同矣。是夕旬有八日也。斜月晶熒。幽輝半牀。張生飄飄然且疑神仙之徒。不謂從人間至矣。有頃寺鐘鳴。天將曉。紅娘促去。崔氏嬌啼宛轉。紅娘又捧之而去。終夕無一言。張生辨色而興。自疑曰。豈其夢邪。及明。覩粧在臂。香在衣。

淚光熒熒然猶瑩於裯席而已。是後又十
餘日，杳不復知張生。賦會真詩三十韻，未
畢而紅娘適至，因授之以貽崔氏。自是復
容之朝隱而出，暮隱而入，同安於曩所謂
西廂者幾一月矣。張生常詰鄭氏之情，則
曰：「知不可奈何矣。」因欲就成之，無何，張生
將之長安，先以情諭之。崔氏宛無難辭，然
而愁怨之容動人矣。將行之，再夕不復可。

見而張生遂西不數月復遊於蒲舍於崔氏者又累月崔氏甚工刀削善屬文求索再三終不可見張生往往自以文挑之亦不甚觀覽大畏崔之出人者藝必窮極而貌若不知言則敏辯而寡於酬對待張之意甚厚然未嘗以詞繼之時愁艷幽遠恒若不識喜愠之容亦罕形見異時獨夜操琴愁弄悽惻張竊聽之求之則終不復鼓

矣。以是意之。張生俄以文調。及到。又
西去。當去之夕。不復自言其情。蔡
氏之側。崔已陰知將訣矣。恭貌怡聲。徐謂
張曰。始亂之。終棄之。固其宜矣。愚不
必也。君亂之。君終之。君之惠也。則沒身之
誓。其有終矣。又何必深憾於此行。然而君
既不憚無以奉寧君。嘗謂我善鼓琴。簡時
羞顏所不能及。今且往矣。既君此誠。因命

第六才子書會真記

會真記

投琴鼓。竟裳羽衣。序不數聲。哀音怨亂。不復知其是曲也。左右皆歎歎。崔亦遂止之。投琴泣下。流漣趨歸。鄭所遂不復至。明日而張行。明年文戰不勝。遂止於京。因貽書於崔。以廣其意。崔氏緘報之詞。粗載於此。曰。屏覽來問。撫愛過深。兒女之情。悲喜交集。兼惠花勝一合。口脂五寸。致耀首膏脣之飾。雖殊恩誰復爲容。韻物增懷。恨

悲歎耳。伏承使於京中。就業修之道。固
在便安。但恨僻陋之人。永以毀棄命也。如
此。知復何言。自去秋以來。嘗忽忽如有所
失。於韻譁之下。或勉爲笑。請周省自處。無
不。憂。乃。至。凄。涼。之。間。亦。多。敘。感。咽。離。憂
之。思。痛。終。能。結。事。者。事。常。未。終。驚。死
已。解。歸。牛。衣。如。煖。而。思。之。甚。遙。一。昨。拜。辭
條。臉。舊。歲。長。安。行。樂。之。地。觸。緒。牽。情。何。幸。

言直記

不志。幽微眷念。無斁鄙薄之志。無以奉酬。
至於終始之盟。則固不忒。鄙昔中表相。曰。
或預宴處。婢僕見誘。遂致私誠。兒女之情。
不能自固。君子有援琴之挑。鄙人無投梭。
之拒。及薦枕席。義盛意深。愚幼之心。永謂。
終託。豈其既見君子。而不能定情。致有自。
慰之羞。不復明侍巾櫛。沒身永恨。含歎何。
言。倘仁人用心。俯遂幽劣。雖死之日。猶生。

之年如或達士畧情捨小從大以先配爲醜行謂要盟之可欺則當骨化形銷丹誠不泯因風委露猶託清塵存沒之情言盡於此臨紙嗚咽情不能申千萬珍重珍重千萬玉環一枚是兒嬰年所弄寄充君子下體之佩玉取其堅潔不渝環取其終始不絕兼綵絲一絢文竹茶碾子一枚此數物不足見珍意者欲君子如玉之貞俾志

第。六。不。可。不。讀。會。更。氣。
如。環。不。解。淚。痕。在。竹。愁。緒。縈。絲。因。物。達。誠。
永。以。爲。好。耳。心。通。身。遐。拜。會。無。期。幽。憤。所。
鍾。千。里。神。合。千。萬。珍。重。春。風。多。屬。強。飯。爲。
佳。慎。言。自。保。無。以。鄙。爲。深。念。張。生。發。其。書。
於。所。知。繇。是。時。人。多。聞。知。所。善。楊。巨。源。好。
屬。詞。因。爲。賦。崔。娘。詩。一。絕。云。清。潤。潘。郎。玉。
不。如。中。庭。蕙。草。雪。銷。初。風。流。才。子。多。春。思。
腸。斷。蕭。娘。一。紙。書。河。南。元。稹。亦。續。生。會。真。

詩三十韻曰。微月透簾櫳。螢光度碧空。遙
天初縹緲。低樹漸蔥蘢。龍吹過庭竹。鸞歌
拂井桐。羅綃垂薄霧。環珮響輕風。絳節隨
金母。雲心捧玉童。夏深人悄悄。晨會雨濛
濛。珠瑩光文履。花明隱繡龍。瑤釵行彩鳳。
羅帔掩丹虹。言自瑤華圃。將朝碧玉宮。因
遊雒城北。偶向宋家東。戲調初微拒。柔情
已暗通。低鬟蟬影動。迴步玉塵蒙。轉面流

花雪登牀抱綺叢。鴛鴦交頸舞翡翠合歡。
籠眉黛羞頻聚。脣朱暖更融。氣清蘭麝馥。
膚潤玉肌豐。無力慵移腕。多嬌愛斂躬。汗
光珠點點。髮亂綠鬆鬆。方喜千年會。俄聞
五夜窮。留連時有限。繾綣意難終。慢臉含
愁態。芳詞誓素衷。贈環明遇合。留結表心
同。啼粉流清鏡。殘燈遶暗蟲。華光猶冉冉。
旭日漸瞳瞳。乘鶯還歸雒。吹簫亦上嵩。衣

香猶染麝。枕膩尚殘紅。幕幕臨塘草。飄飄
思渚蓬。素琴鳴遠鶴。清漢望歸鴻。海濶誠
難度。天高不易冲。行雲無定所。蕭史在樓
中。張之友聞之者。莫不聳異之。然而張亦
志絕矣。禎特與張厚。因徵其辭。張曰。大凡
天之所命。尤物也不妖。其身必妖。於人使
崔氏子遇合。富貴棄。嬌寵不爲。雲爲雨。則
爲蛟爲螭。吾不知其變化矣。昔殷之辛。周

之幽據萬乘之國其勢甚厚然而一女子
敗之潰其衆屠其身至今爲天下謔笑予
之德不足以勝妖孽是用忍情於時坐者
皆爲深歎後歲餘崔已委身於人張亦有
所娶適經其所居乃因其夫言於崔求以
外兄見夫語之而崔終不爲出張怨念之
誠動於顏色崔知之潛賦一章詞曰自從
消瘦減容光萬轉千迴懶下牀不爲旁人

羞不起爲郎憔悴却羞郎竟不之見後數
日張生將行又賦一章以謝絕之曰棄置
今何道當時且自親還將舊來意憐取眼
前人自是絕不復知矣時人多許張爲善
補過者矣予嘗於朋會之中往往及此意
者欲使知之者不爲爲之者不惑貞元歲
九月執事李公垂宿于予靖安里第語及
於是公垂卓然稱異遂爲歌以傳之歌載

李身印

宋王銍云嘗讀蘇內翰贈張子野詩云
詩人老去鶯鶯在注言所謂張生乃張
籍也僕按微之所作傳奇鶯鶯事在貞
元十六年張又言明年生文戰不利乃
在十七年而唐登科記張籍以貞元十
五年高郢下登科既先二年決非張籍
明矣每觀斯文撫卷歎息未知張生果
爲何人意其非微之一等人不可當也
會清源莊李裕爲僕言友人楊阜公嘗
讀微之所作姨母鄭氏墓誌云其既喪
夫遭亂軍微之爲保護其家備至則所
謂傳奇者蓋微之自敘特假他姓以避
就耳僕退而考微之長慶集不見所謂
鄭氏誌文豈僕家所收未完或別有他

本然細味微之所敘及考于他書則與
李浴之所說皆合蓋昔人事有悖于義
者多託之鬼神夢寐或假之他人或云
見別書後世猶可考也微之心不自抑
既出之翰墨姑易其姓氏耳不然為人
敘事安能委曲詳盡如此按樂天作微
之墓誌以太和五年薨年五十三則當
以大曆十四年巳未生至貞元十六年
庚辰正二十二歲又韓退之作微之妻
韋叢墓誌文作壻韋氏時微之始以選
爲校書郎又微之作陸氏姊誌云子外
祖父授睦州刺史鄭濟自樂天作微之
母鄭夫人誌亦言鄭濟女則鶯鶯者乃
崔鶯之女于微之爲中表非特此而已
僕家有微之作元氏古艷詩百餘篇中
有春詞二首其間皆隱鶯字及自有鶯

鶯詩離思詩雜憶詩與傳奇所載猶一
家說也又有古決絕詞夢遊春詞前啟
所遇後言捨之以義及敘娶韋氏之年
與此無少異者其詩多隱雙文意謂二
鶯字爲雙文也并書于後使覽者可考
焉又意古艷詩多微之專因鶯鶯而作
無疑又微之百韻詩寄樂天云山岫當
階翠牆花拂面枝鶯聲愛嬌小燕翼翫
逶迤又云幼年與蒲中詩人楊巨源友
善曰課詩凡是數端有一于此可驗決
爲微之無疑况于如是之衆耶然必更
以張生豈元與張受姓命氏本同所自
出耶僕性喜討論考合同異每聞一事
隱而未見及見而不同如瓦礫之在懷
必欲討閱歸于一說而後已嘗謂讀于
韓之書而探千載之迹必須盡是當時

事理如身履其間絲分縷解終始備其
乃可以置議論若略執一言一事未見
其餘則事之相戾者多矣又謂前世之
事無不可考者特學者觀書少而未見
耳微之所遇合雖涉于流宕自放不中
禮義然名輩流風餘韻照應後世亦人
間可喜事而士之臻此者特鮮矣雖巧
爲避就然意微而顯見于微之其他文
辭者彰著又如此故反復揅揚張而明
之以信其說他時見所謂姨母鄭氏誌
文當詳載于後云

唐范攄云元公初娶京兆韋氏字蕙叢
官未達而苦貧繼室河東裴氏字柔之
二夫人俱有才思時彥以爲佳偶初韋
蕙叢卒不時其甚爲詩悼之曰謝家最

小偏隣汝嫁與黔婁百事乖。顏我無衣
搜畫篋，免他沽酒拔金釵。野蔬充膳甘
長蕕，落葉添薪仰古槐。今日贈錢過百
萬，爲君營葬復營齋。又曰：曾經滄海難
爲水，除却巫山不是雲。後自會稽拜尚
書右丞，到京未逾月，出鎮武昌。是時中
門外構緹幕，候天使送節，忽聞宅內勸
哭。侍者曰：「夫人也。」乃傳聞節鉞將至，何
長勸焉？裴氏曰：「歲杪到家鄉，先春又赴
任，寄情未半，相見所以如此。」立贈柔之
詩曰：窮冬至鄉國，正歲到京華。白恨屈
塵異，常看遠地花。碧幢還照耀，紅粉莫
咨嗟。嫁得浮雲婿，相隨却是家。裴氏柔
之答曰：侯門初擁節，御苑柳絲新。不是
悲殊命，惟愁別是親。黃鸝遷古木，朱履
陟清塵。想到千山外，滄江正暮春。元來

與裴氏琴瑟和諧亦房帷之美也

余故手編錄之與好事者共焉

王楙云石林詩話謂開簾風動竹疑是

故人來與徘徊花上月空度可憐宵此

兩句雖小說實佳句僕謂上聯在李君

虞集中此即古詞風吹窗簾動疑是所

歡來之意梁費昶亦曰簾動意君來柳

惲曰颯颯秋桂響非君起夜來麗情集

曰待月西廂下迎風戶半開隔牆花影

動疑是玉人來齊謝眺懷故人詩離居

方歲月故人不在此清風動

簾夜明月照窗時皆一意也

王楙又云張先郎中子野能為詩年已

八十家猶畜聲妓子瞻贈詩云詩人老

去鶯鶯在公子歸來燕燕忙正均用當

家故事也按唐有張君瑞遇崔氏女于

蒲崔小名鶯鶯元稹與李紳語其事作
鶯鶯歌漢童謠曰燕燕尾涎涎張公子
時相見又曰張祐安名燕燕其事跡與
人對偶精切如此鶯鶯對燕燕已見于
杜牧之詩曰綠樹鶯鶯語平沙燕燕飛
前輩則者皆有所祖南唐馮延巳詞燕
燕飛時羅幕捲鶯鶯啼處燕
崔空亦以鶯鶯燕燕作對
按野談近內黃野中掘得鄭恒墓誌乃
給事郎秦貫撰其敘恒妻則博陵崔氏
世遂以崔為鶯鶯余按會真記雖謂鶯
鶯委身于人而不著名氏鄭恒之名特
始見于西廂傳奇蓋烏有之辭也世以
墓誌之名偶與烏有之辭合而鄭恒之
配又適與鶯鶯之氏同遂
以墓誌之崔為鶯鶯誤矣

陶宗儀云余向在武林日於一友入處
見陳居中所畫唐崔麗人圖其上有題
並燕鶯爲字聯徽氏姓崔非煙宜采
畫秀玉勝江梅薄命千年恨芳心一寸
灰西廂命陝右道出於蒲東普救之僧
三月衙命陝右道出於蒲東普救之僧
舍所謂西廂者有唐麗人崔氏文遠照
在焉因命畫師陳居中繪模真態意并
登徒子之用心迨將勉情鍾終始之戒
仍綴四十言使好事者知伯勞之歌以
記云泰和丁卯林鍾吉日十洲種玉宜
之題延祐庚申春二月余傳命至東平
顧市鬻雙鶯圖觀久之弗見主人而歸
夜宿府治西軒夢一麗人綃裳玉臂
巡而前曰石玩雙鶯圖雖佳并君上席
尚物妾流落久矣有雙鶯名冠古今願

託君爲重覺而怪之未卜何祥遲明欲
行忍主人攜鶯圖來且四軸余意歷人
雙鶯符此數耳繼出一小軸乃夢所見
有詩四十字跋語九十八識曰秦和丁
卯出蕭東普救僧舍繪唐崔氏鶯鶯真
十洲種玉大註宜之題畫詩書皆絕人
品也余驚詫良久時有司羣官吏環視
同縮不口託以跋語佳勝贖之吁物理
相感果何如邪豈法書名畫自有靈邪
抑各不朽者隨神邪遇合有定數邪余
嘗謂闕雅碩人姿德兼備君子之配也
琴心雪句才艷聯芳文士之偶也自詩
書道廢文夫弗學況女流邪故近世非
無色秀往往脂粉腥穢鴉鳳莫辨求其
彷彿待月章之萬一絕代無聞焉此亦
慨世降之一端也因歸于我義弗辭已

宜之者。蓋前金趙愚軒之字。曾爲鞏西
簿。還山謂泰和有詩名。五言平淡。他人
未易造。信然。泰和丁卯。迄今百四十年
云。其月二日。璧水見士思容題。右其一
百五十九字。雖不知璧水見士爲何如
人。然二君之風韻可想見矣。因俾嘉禾
繪工盛懋臨寫一軸。適舅氏趙公
侍制。雖見而愛之。就爲鐫文于上。

附古艷詩二首

元稹

春來頻到宋家東。垂袖開懷待好風。
鶯藏柳暗無人語。惟有牆花滿樹紅。
深院無人草樹光。嬌鶯不語趁陰藏。等

閒弄水浮花片流出門前賺阮郎

鶯鶯詩 元稹

殷紅淺碧舊衣裳。取次梳頭暗淡粧。夜
合帶煙籠曉日。牡丹經雨泣。殘陽依稀
似笑還非笑。彷彿聞香不是香。頻動橫
波嬌不語。等閒教見小兒郎。

雜思詩五首 元稹

自愛殘粧曉鏡中。環釵謾篸綠絲叢。須

與日射胭脂頰。一朵紅酥旋欲融。
山泉散縵繞階流。萬樹桃花映小樓間。
讀道書慵未起。水晶簾下看梳頭。
紅羅著壓逐時新。杏子花紗嫩麴塵。第
一莫嫌才地弱。些些組縵最宜人。
曾經滄海難爲水。除却巫山不是雲。取
次花叢懶回顧。半緣修道半緣君。
尋常百種花齊發。偏摘梨花與白人。今

日江頭兩三樹。可憐葉底度殘春。

春曉

元稹

半欲天明半未明。醉聞花氣睡聞鶯。佳兒撼起鐘聲動。二十年來曉寺情。

古決絕詞

元稹

乍可爲天上牽牛織女星。不願爲庭前紅槿枝。七月七日一相見。故心終不移。那能朝開暮飛去。一任東西南北吹。分

不兩相守。恨不兩相思。對面且如此。背
面當何如。春風撩亂。亂伯勞語。況是此時
拋去時。握手苦相問。竟不言後期。君情
既決絕。妾意亦參差。借如死生別。安得
長苦悲。解噴春冰之將泮。何予懷之獨
結。有美一人。于焉曠絕。一日不見。比一
日于三年。况三年之曠別。水得風兮小
而已。波筭在簾兮高不見。節矧桃李之

當春競衆人之攀折。我自顧悠悠而若
雲。又安能保君皚皚之如雪。感破鏡之
分明。視淚痕之餘血。幸他人之既不我
先。又安能使他人之終不我奪。已焉哉。
織女別黃姑。一年一度暫相見。彼此隔
河何事無_解。夜夜相抱眠。幽懷尚沉結。
那堪一年事。長遣一宵說。但感人相思。
何暇暫相悅。虹橋薄夜成。龍駕侵晨別。

生憎野鶴性遲回。死恨天雞識時。猶
色漸隨曉。華星欲明滅。一去又一年。一
年何時徹。有此迢遞期。不如生死別。天
公隔是妒。相憐何不便。教相決絕。

雜憶詩五首

元稹

今年寒食月無光。夜色纔侵已上牀。憶
得雙文通內裏。玉權深處暗聞香。

花籠微月竹籠煙。百尺絲繩拂地懸。憶

會真詩

三

得雙文人靜後。潛教桃葉送歡韉。

寒輕夜淺繞迴廊。不辨花叢暗辨香。憶得雙文籠月下。小樓前後捉迷藏。

山榴似火葉相兼。半拂低牆半拂簷。憶得雙文獨披掩。滿頭花草倚新簾。

春冰消盡碧波湖。漾影殘霞似有無。憶得雙文移子薄。鈿頭雲映褪紅酥。

贈雙文元稹

艷極翻含態。憐多轉自嬌。有時還自笑。
閒坐更無聊。曉月行看墮。春酥見欲銷。
何因肯垂手。不敢望回腰。

感事詩

元稹

富貴年皆長。風塵舊轉稀。白頭方見絕。
遙爲一沾衣。

憶事詩

元稹

夜深閒到戟門邊。却遶行廊又獨眠。明

月滿庭池水綠桐花垂在翠簾前

夢遊春詞

元稹

昔君夢遊春夢遊何所遇夢入深洞中
果遂平生趣清冷淺漫溪畫舫蘭篙渡
過盡萬株桃盤旋竹林路長廊抱小樓
門牖相回互樓下雜花叢叢邊繞鴛鴦
池水漾彩霞曉日初明煦未敢上階行
頻移曲池步烏龍不作聲碧玉曾相慕

漸到晨暮間徘徊意猶未盡聞知事世間
奇玩參差布格子碧油糊駝鉤紫金鏡
逡巡日漸高影響人將寤鸚鵡飢亂鳴
嬌狂睡猶怒簾開侍兒起見我遙相諭
鋪設繡紅茵弛張銅粧具潛塞翡翠帷
瞥見珊瑚樹不辨花貌人空驚香若霧
身回夜合偏態斂晨霞聚睡臉桃破風
汗粧蓮委露叢梳白葉髻金盛蓮臺履

紕軟殿頭裙玲瓏合歡袴鮮妍脂粉薄
暗淡衣裳故最是紅牡丹雨來春欲暮
夢魂良易驚靈境難久寓夜夜望天河
無繇重沿汭結念心所期反如禪頓悟
覺來八九年不向花回顧難治兩京春
喧闐衆禽護我到看花時但作懷仙句
浮生轉經歷道性尤堅固近作夢仙詩
亦知勞肺腑一夢何足云良時自婚娶

當年二紀初。嘉節三星度。朝薜玉環迎。
高松女蘿附。韋門正全盛。出入多歡裕。
甲第漲清池。鳴騶引朱輅。廣榭舞葳蕤。
長筵賓雜厝。青春詎幾日。華實潛幽蠹。
秋月炤潘郎。空山懷謝傅。紅樓嗟壞壁。
金谷迷荒戍。石壓破欄杆。門摧舊桂栢。
雖云覺夢殊。同是終難駐。悵縮竟何如。
夢紗不成綯。卓女白頭吟。阿嬌金屋賦。

重壁盛姬臺。青塚明妃墓。盡委窮塵骨。
皆隨流波注。幸有古如今。何勞繅比素。
况余當盛時。早歲諧時務。詔冊冠賢良。
諫垣陳好惡。三十再登朝。一登還一仆。
寵榮非不早。遭回亦云屢。直氣在膏肓。
氛氲日沉痼。不盡意不快。快意言多忤。
忤誠人所賊。性亦天之付。乍可沉爲香。
不能浮作瓠。誠爲堅所守。未爲朋所措。

事事身已經營。營計何誤。美玉琢文壇。
良金填武庫。徒謂自堅貞。安知受礪鑄。
長絲羈野馬。密網羅陰兔。物外各迢迢。
誰能遠相顧。時來旣若飛。禍速當如驚。
曩意自未精。此行何所訴。努力去江陵。
笑言誰與晤。江花綻可憐。奈非心所慕。
石竹逞姦黠。蔓菁誇畝數。一種薄地生。
淺深何足妒。節葉水土生。團團水中住。

瀉水注葉中君看不相汚

和微之夢遊春詩百韻 白居易

微之既到江陵又以夢遊春詩七十
韻寄予且題其序曰斯言也不可
不知吾者知吾者亦不可使不知
樂天知吾者吾不敢不使吾子知予
辱斯言三復其旨大抵悔既往而悟
將來也然予以爲苟不悔不悟則已

若悔于此則宜悟于彼也反于彼而
悔于妄則宜歸于真也況與足下外
服儒風內宗梵行者有日矣而今而
後非覺路之反也非空門之歸也將
安返乎將安歸乎今所和者其章指
卒歸于此夫感不甚則悔不熟感不
至則悟不深故廣足下七十韻爲一
百韻重爲足下陳夢遊之中所以甚

感者敘婚仕之際所以至感者欲使
曲盡其安周知其非然後返乎真歸
乎實亦猶法華經敘火宅偈化城維
摩經入淫舍過酒肆之義也微之微
之予斯文也尤不可使不知吾者知
幸藏之云爾

昔君夢遊春夢遊仙山曲。恍若有所遇。
似愜平生欲。因尋菖蒲水。漸入桃花谷。

到一紅樓。家愛之。看不足。池流渡清流。
草嫩。踢綠。摩門柳暗全低。簷櫻紅半熟。
轉行深深院。過盡重重屋。烏籠臥不驚。
青鳥飛相逐。漸聞玉珮響。始辨朱履躅。
遙見窗下人。娉婷十五六。霞光抱明月。
蓮艷開初旭。縹緲雲雨仙。氤氳蘭麝馥。
風流薄梳洗。時世寬粧束。和輦異文綾。
裙輕單絲縠。裙腰銀綠壓。梳掌金篦覺。

帶纈紫葡萄。誇花紅石竹。凝情都未語。
付意微相矚。眉斂遠山青。鬟低片雲綠。
帳寒翡翠帶。被解鴛鴦襪。秀色似堪餐。
機華如可掬。半捲錦頭席。斜鋪繡腰褥。
朱唇素指勻粉汗。紅綿撲心驚夢易覺。
夢斷魂難續。籠妾獨栖禽。劍分連理木。
存誠期有感。誓志真無贖。京雒八九春。
未曾花裏宿。壯年徒自棄。佳會應無復。

樂歌不重聞，鳳光從茲下。韋門女清貴，
裴氏甥賢淑。羅扇夾花燈，金鞍攢綃轂。
旣傾南國貌，遂坦東牀腹。劉阮心漸忘，
潛楊意方睦。新修懷信第，初食尚書祿。
九醞備聖賢，八珍窮水陸。秦家重蕭史，
彥輔憐衛叔。朝饌獨盤夜，醪傾百斛。
親賓盛輝赫，妓樂紛曄煜。宿醉纔解醒，
朝歡俄怵麴。飲過君子爭，入甚將軍酷。

酩酊歌鷓鴣、顛狂舞鵲鴒、月流春夜短、
日下秋天速、謝傳隙過駒、蕭娘風送燭、
全彫薜花折、半死梧桐禿、闔鏡對孤鸞、
哀猿留寡鵠、淒淒隔幽巖、冉冉移寒燠、
萬事此時休、百身何處贖、提携小兒女、
將領舊姻族、再入朱門行、一傍青樓哭、
櫪空無廐馬、水涸失池鶯、搖落廢井梧、
荒涼故徑菊、莓苔上几閣、塵土生琴阮、

舞榭綴蠨蛸。歌梁聚蝙蝠。嫁分紅粉妾。
賣散蒼頭僕。門客思徬徨。家人哭咿噢。
心期正蕭索。宦序仍拘跼。懷策入峭函。
驅車辭郊郛。逢時念旣濟。聚學思大畜。
端詳筮仕著。磨拭穿楊鏃。始從讐校職。
首中賢良目。一拔侍瑤池。再陞紆繡服。
昔酬君王寵。願使朝廷肅。密勿奉封章。
清明操憲牘。鷹鞴中病下。牙角當邪觸。

紕認靜東周由冤動南蜀危言詆閹寺
直氣忤鈞軸不忍曲作釣乍能折爲玉
們心無愧畏騰口有謗讟只要明是非
何曾虞禍福車摧太行路劍落豐城獄
襄漢問修途荆蠻指殊俗謫爲江府掾
遣事荊州牧趨走謁麾幘喧煩視鞭扑
簿書長白領線囚每親朝竟日坐官曹
經旬曠休沐宅荒渚宮草馬瘦畬田粟

薄奉等涓毫微官同桎梏月中照形影
天際辭骨肉。鶴病翅羽垂。獸窮爪牙縮。
行看髣髴間。白誰勸杯中綠。時傷大野麟。
命問長沙鵬。夏梅山雨漬。秋瘴海雲毒。
巴水白茫茫。楚山青簇簇。吟君七十韻。
是我心所蓄。既去誠莫追。將來幸前勗。
欲除憂惱病。當取禪經讀。須悟事皆空。
無令念將屬。請思遊春夢。此夢何閃倏。

艷色卽空花，浮生乃焦穀。良姻在佳偶，
頃刻爲單獨。入仕欲榮身，須臾成黜辱。
合者離之始，樂兮憂所伏。愁恨憎祇長，
歡榮剎那促。覺悟因旁喻，迷執繇當局。
膏明誘闇蛾，陽燄奔癡鹿。貪爲苦聚落，
愛是悲林麓。水蕩無明波，輪迴生死輻。
塵應甘露灑，垢往醍醐浴。瘴要智燈燒，
魔須慧刀戮。外熏性易染，內戰心難劬。

法句與心王期君日三復

題會真詩三十韻

杜牧

鸚鵡出深籠，麒麟步遠空。
拂牆花颯颯，透戶月朧朧。
暗度飛龍竹，潛挨舞鳳桐。
松篁搖夜影，錦繡動春風。
遠信傳青鳥，私期避玉童。
柳州輕漠漠，花氣淡濛濛。
小小釵簪鳳，盤盤髻綰龍。
無言歌寶枕，赧面對銀缸。
姑射離仙闕，姮娥降月宮。

第六才子書

會真詩

三

精神絕趙北、顏色冠蒲東、密約千金值、
靈犀一點通、脩眉蛾綠掃、媚臉粉香蒙、
無隱疑香壘、蜂藏巧藥叢、留燈垂繡幕、
和月欹簾櫳、弱體花枝顫、嬌顏汗顆融、
笋抽纖玉軟、蓮襯朶頤豐、笑吐丁香舌、
輕搖楊柳躬、未酬前恨足、肯放此情鬆、
幽會愁難載、通宵意未窮、錦衾溫未暖、
玉漏滴將終、密語重言約、深盟各許哀、

樹交連理並。帶結合歡。同烟篆消金獸。
燈花落玉蟲。殘星光閃閃。曙色影幢幢。
別淚傾江海。行雲蔽華嵩。花細留寶麝。
羅帕記新紅。有夢思春草。無因繫短蓬。
傷心怨別鶴。停目送歸鴻。厚德難酬報。
高天可逕冲。寸誠言不已。封在錦箋中。
春詞酬元微之。沈亞之。

黃鸝啼時春日高。紅芳發盡井邊桃。美

人手暖裁衣。片片輕花落剪刀。

鶯鶯歌 李紳

伯勞飛遲燕飛疾。垂楊綻金花笑日。綠
窓嬌女字鶯鶯。金雀鵲鬢年十七。黃姑
上天阿母在。寂寞霜姿素蓮質。門掩重
關。蕭寺中。芳草花時不曾出。河橋上。將
亾宮軍虎旗長戟交。壘門鳳凰詔書猶
未到。滿城戈甲如雲屯。家家玉貌好泥

土少女嬌妻愁被虜出門走馬青崖見
紅粉潛藏欲何處。嗚嗚阿母啼向天。省
中抱女投金鈿。鉛華不顧欲藏艷。玉顏
轉望如神仙。此時潛郎未相識。偶住蓮
館對南北。潛欺惘惶阿母心。爲求白馬
將軍力。明明飛詔五雲下。將選金門兵
悉罷。阿母深居雞犬安。八珍玉食邀郎
餐。千言萬語對生意。小女初笄爲姊妹

丹誠寸心難
此寫在紅箋方寸紙寄
與春風伴
彷彿隨風綠楊裡窗中
暗讀人不心
剪破紅綃裁作詩還怕香
風易飄蕩
令青鳥口銜之詩中報郎
含隱語
知暗到花深處三五月明當
戶時與郎相見花間路

懷永
第六才子書卷之三終

